



大清會典卷之七十

禮部儀制司



王府禮

封爵

國家稽古定制。授封同姓。初列爵為九等。後為十

等。詳見宗人府。俱宗人府具題請

旨授封。其遣官往封。宣冊。諸儀。仍禮部掌之。具載於

後。

凡宗籍。崇德三年。定。每年正月初十日內。宗室

覺羅。所生子女。具文禮部記冊。○順治九年。題

皇太后。設宗人府官員。掌

皇族屬籍。書宗室子女嫡庶名。封。生。卒。婚。嫁。謚。葬。及
編纂

玉牒等事宜。○又定宗人府與禮部各置冊籍。仍於
每年正月初十日內。將宗室覺羅所生子女。年
月日時。詳行開寫。凡係宗室。遣長史等送宗人
府。禮部記冊。係覺羅。由該旗所設首領官具結
送宗人府。禮部記冊。以
帝系爲統。餘照長幼次序分列。每十年宗人府會同
內閣。禮部。於纂修

玉牒之時。載入

詳載宗人府

凡襲爵嗣封者。俱由宗人府具題請
旨。咨送禮部。鑄寶印。行
冊封禮。

凡授封。崇德元年。定。王以下。將軍以上。俱由內
院官具奏。引至

崇政殿前。行授封禮。公主。王妃等。遣官授封。○順
治十四年。題准。親王。郡王。嗣封者。傳至宗人府。
禮部堂官宣授

冊寶。該嗣王跪受。貝勒以下。奉恩將軍以上。傳至宗
人府。宗人府官頒給

大清會典 卷一百一十一
二
誥命俱行跪受。若年幼者。送至其府宣賜。○康熙十
二年。題准。凡封親王。世子。郡王。及親王妃。世子
妃。郡王妃。內外固倫公主。和碩公主。遣內大臣
散秩大臣。爲正使。內閣翰林院學士。禮部侍郎
爲副使。禮部列名奏請。
欽點。差宣讀官同往。宣讀。

制冊。寶印文。封貝勒。貝子。及貝勒夫人。貝子夫人。郡
主。縣主。郡君。遣內閣侍讀學士。侍講。翰林院侍
讀學士。侍講學士。侍讀。侍講。爲正使。禮部郎中。
員外郎。主事。爲副使。內閣中書。翰林院禮部有

品筆帖式同往宣讀

制冊文。封鎮國公以下。奉恩將軍以上。鎮國公夫人
以下。奉恩將軍恭人以上。縣君。鄉君。由宗人府
禮部給授。

誥命。

凡

冊誥。崇德元年。定。諸王。貝勒。及王。貝勒妃。夫人。公主。
俱給紙。

制冊授封。○順治十一年。題准。封親王。世子。及親王
妃。世子妃。固倫公主。和碩公主。給

大清會典 卷一
三
金冊。封郡王及郡王妃。給鍍金銀

制冊。封貝勒及貝勒夫人。郡主以下。俱給授

誥命。○十七年。題准。凡封貝勒及貝勒夫人。郡主。縣

主。俱給紙

制冊。○康熙十二年。題准。封貝子及貝子夫人。郡君。

俱給紙

制冊。○又定。

冊誥文。俱由翰林院撰擬。中書科繕寫。

金冊。由工部鑄造。

凡謝

恩。順治九年。題准。諸王。貝勒。貝子。公等。授封謝

恩。禮部具題。於每月三朝日進

殿前行禮。

慶賀儀

崇德元年。定。親王生辰及元旦日。該旗都統以

下。佐領以上。官員。齊集稱賀。行二跪六叩頭禮。

郡王生辰及元旦日。本府屬員齊集稱賀。行二

跪六叩頭禮。貝勒生辰及元旦日。本府屬員齊

集稱賀。行一跪三叩頭禮。若該屬官員無事不

至府行慶賀者。治罪。○順治九年。題准。親王。郡

王。貝勒。生辰及元旦日。該府屬員。聽鳴贊人員。贊唱行禮。作樂。其鳴贊人員。聽各府選擇。

迴避儀

欽差及賁捧

勅旨。或

欽賜恩賞者。遇王等於道。及過王府門。不下馬。其王公官員相遇。或讓道。或迴避。禮各不同。

崇德元年。定親王出行。郡王遇。讓道行。貝勒遇。執事迴避。讓道旁行。貝子。鎮國公。固倫額駙。和碩公主。額駙。遇。勒馬。鞠躬。側立道旁候過。輔國

公。鎮國將軍。民公。都統。尚書以下。遇。俱下馬。立道旁候過。固倫公主。和碩公主。遇。相讓。尊長在先。分路行。郡主以下。縣君以上。遇。停車候過。郡王出行。貝勒。公主以下。遇。與遇親王迴避儀同。貝勒出行。貝子。鎮國公。固倫額駙。和碩公主。額駙。遇。讓道旁行。輔國公。鎮國將軍。民公。都統。尚書。遇。勒馬。側立道旁候過。輔國將軍。副都統。侍郎等官以下。遇。俱下馬。立道旁候過。固倫公主。和碩公主。遇。貝勒讓道行。郡主。縣主。郡君。遇。相讓。分路行。縣君。遇。停車候過。貝子出行。鎮國公。

大清會典 卷一 五
和碩公主額駙遇。分路行。輔國公。鎮國將軍。民
公。都統。尚書。遇。讓道旁行。輔國將軍。副都統。侍
郎。及叅領等官。遇。勒馬。側立道旁候過。佐領等
官以下。遇。俱下馬候過。固倫公主。和碩公主。遇。
貝子。勒馬候過。郡主。縣主。遇。貝子。讓道行。郡君。
縣君。遇。相讓。分路行。鎮國公。出行。輔國公。鎮國
將軍。民公。都統。尚書。遇。分路行。輔國將軍。副都
統。侍郎。及叅領等官。遇。勒馬。側立道旁候過。佐
領以下等官。遇。俱下馬候過。輔國公。出行。鎮國
將軍。都統。尚書等官。遇。分路行。輔國將軍。副都

統。侍郎等官。遇。讓道旁行。奉國將軍。叅領。佐領
等官。遇。勒馬。立於道旁候過。護軍校。驍騎校等
官。及軍民人等。遇。俱下馬候過。鎮國將軍。出行。
輔國將軍。副都統。侍郎等官。遇。分路行。奉國將
軍。叅領。佐領等官。遇。勒馬。立於道旁候過。護軍
校。驍騎校等官。及軍民人等。遇。俱下馬候過。輔
國將軍。出行。奉國將軍。叅領等官。遇。讓道旁行。
佐領等官。遇。勒馬候過。護軍校。驍騎校等官。及
軍民人等。遇。俱下馬候過。奉國將軍。出行。佐領
等官。遇。讓道行。護軍校。驍騎校等官。及軍民人

大清會典 卷十一
等。遇。俱勒馬候過。凡閒散宗室。遇親王以下。輔國將軍以上。俱下馬。遇民公以下。大臣。俱不下馬。分路行。凡覺羅有職者。各照品級迴避。無職者。遇親王以下。輔國將軍以上。俱下馬。遇民公。都統。尚書等官。俱引馬迴避。其餘各官。俱不迴避。讓道行。○順治八年。題准。一應迴避等儀。俱照崇德元年例行。其新設官員。侯。伯。與民公同。內大臣。與都統同。阿思哈尼哈番。與副都統同。阿達哈哈番。與叅領同。拜他喇布勒哈番。拖沙喇哈番。與佐領同。○康熙十八年。題准。和碩公

主。遇親王。郡王。停車候過。遇貝勒。相讓分路行。遇貝子。貝子讓道行。和碩公主額駙。郡主額駙。遇親王。郡王。俱下馬。立道旁候過。遇貝勒。勒馬側立道旁候過。遇貝子。讓道旁行。遇鎮國公。分路行。閒散宗室。遇和碩公主額駙。不下馬。分路行。覺羅無職者。遇和碩公主額駙。不下馬。引馬迴避。餘俱照舊例行。○
凡過諸王府門。崇德元年。定。親王府門。郡王過。併隨從人員。俱不下馬。貝勒過。鞠躬趨馬過。隨從人員。俱下馬。親王妃。郡王妃。過。序長幼。應下

輿者。步行過。不應下輿者。徑過。隨從婦女。各照其主。固倫公主。和碩公主。郡主。縣主。過。併隨從婦女。俱不下車馬。隨從人員。俱下馬。郡君。縣君。過。不下輿。隨從男婦。俱下車馬。貝子和碩公主。額駙。民公以下官員。及軍民人等。過。俱下馬。貝勒夫人以下。官員命婦。及軍民人等。婦女。過。俱下車馬。過郡王府門。與親王同。其貝勒府門。貝子。鎮國公。過。不下馬。隨從人員。俱下馬。輔國公。和碩公主。額駙。民公以下官員。及軍民人等。過。俱下馬。貝勒夫人過。序長幼。應下輿者。步行過。不應下輿者。徑過。隨從婦女。各照其主。郡君。縣君。過。併隨從婦女。俱不下車馬。隨從人員。俱下馬。貝子。夫人以下。官員命婦。及軍民人等。婦女。過。俱下車馬。

儀仗

親王。公主。王妃以下。儀仗。各有定制。列敘於後。凡親王以下。儀仗。崇德元年。定。親王。銷金紅傘。二柄。燾二桿。旗十桿。立瓜一對。骨朶一對。吾杖二對。執事人。青衣。紅帶。青帽。銀頂。上插紅翎。郡王。銷金紅傘一柄。燾一桿。旗八桿。臥瓜一對。吾

大清會典卷七十一
杖二對。執事人衣帶帽頂。與前同。貝勒銷金紅傘一柄。燾一桿。旗六桿。骨朶一對。紅杖一對。執事人衣帶帽頂。與前同。貝子彩畫雲紅傘一柄。豹尾鎗二桿。旗六桿。紅杖一對。執事人衣帶帽頂。與前同。城內止用傘杖。鎮國公紅傘一柄。豹尾鎗二桿。旗六桿。紅杖一對。執事人衣帶帽頂。與前同。城內止用紅杖。輔國公紅傘一柄。豹尾鎗一桿。旗六桿。紅杖一對。執事人青衣紅帶藍翎紅氈帽。城內止用紅杖。鎮國將軍金黃傘一柄。旗六桿。城內用夜不收二名開路。後隨人六

名。輔國將軍執事與鎮國將軍同。城內用夜不收一名開路。後隨人四名。奉國將軍旗四桿。城內用從人四名。○順治九年題准。親王紅羅繡花曲柄傘一柄。紅羅銷金傘二柄。紅羅繡花傘二柄。紅羅繡花扇二把。青羅繡孔雀扇二把。立瓜二對。臥瓜二對。骨朶二對。吾杖二對。大燾二桿。條燾二桿。旗十桿。大刀二口。豹尾鎗二桿。馬六匹。京城內止用曲柄傘一柄。繡花傘二柄。繡花扇二把。併立瓜。臥瓜。骨朶。吾杖。馬四匹。世子紅羅繡花曲柄傘一柄。紅羅銷金傘二柄。紅羅

傘一柄。紅羅繡花扇二把。青羅繡孔雀扇二把。立瓜二對。臥瓜一對。骨朶一對。吾杖一對。大纛一桿。條纛一桿。旗八桿。大刀二口。馬六匹。京城內。止用銷金傘二柄。繡花扇二把。併立瓜。臥瓜。骨朶。吾杖。馬四匹。郡王。紅羅繡花曲柄傘一柄。紅羅銷金傘二柄。紅羅繡花扇二把。青羅繡孔雀扇二把。立瓜二對。臥瓜一對。骨朶一對。吾杖二對。條纛二桿。旗八桿。馬六匹。京城內。止用銷金傘二柄。繡花扇二把。併立瓜。臥瓜。骨朶。吾杖。馬二匹。貝勒。紅羅銷金傘二柄。紅羅繡花扇二

把。立瓜一對。臥瓜一對。骨朶一對。吾杖一對。條纛一桿。旗六桿。馬四匹。京城內。止用銷金傘一柄。立瓜。臥瓜。骨朶。吾杖。貝子。紅羅銷金傘一柄。紅羅繡花扇二把。立瓜一對。骨朶一對。吾杖一對。條纛一桿。旗六桿。京城內。止用立瓜。骨朶。吾杖。鎮國公。紅羅銷金傘一柄。青羅繡孔雀扇一把。骨朶一對。吾杖一對。旗六桿。京城內。止用骨朶。吾杖。輔國公。執事與鎮國公同。鎮國將軍。輔國將軍。奉國將軍。執事。仍照崇德元年定例。○康熙六年。題准。親王。郡王。驕夫。執事人。用繡團

獅子綠緞衣。貝勒以下。公以上。轎夫執事人。用素綠緞衣。

凡排設儀仗。崇德元年。定。赴公同。題。題准。出京城。俱排設。遇

御前。不准排設。○順治九年。題准。出京城。俱排設。遇

元旦。

萬壽。冬至。大朝日。除纛旗外。餘俱排設。儀仗至下馬

牌止。

凡輿馬。順治九年。定。親王乘轎馬至。

午門外下。郡王至。

午門前兩旁樓角下。貝勒以下。在闕門外下馬牌

處下。親王以下。貝勒以上。坐八人明轎。貝子以

下。輔國公以上。坐四人明轎。貝勒。貝子。公。坐轎

至。

至。

皇城外。易馬入。願騎馬者。聽。

凡公主以下儀仗。崇德元年。定。固倫公主。清道

旗一對。紅杖一對。吾杖一對。銷金紅傘一柄。青

扇一把。拂子一對。金唾盂一。金水盆一。轎車。紅

蓋。紅幃。青鑲蓋角。青垂簷。和碩公主。紅杖一對。

吾杖一對。銷金紅傘一柄。青扇一把。拂子一對。

金水盆一。轎車。紅蓋。紅幃。藍鑲蓋角。藍垂簷。以

大清會典 卷一百一十一
上。赴朝。或坐轎。或坐車。止用傘。扇。紅杖。吾杖。郡
主。吾杖一對。銷金紅傘一柄。青扇一把。拂子一
對。轎。車。青蓋。青幃。紅鑲蓋角。紅垂簷。赴朝。或坐
轎。或坐車。止用傘。扇。吾杖。縣主。紅杖一對。銷金
紅傘一柄。拂子一對。車。青蓋。藍幃。紅鑲蓋角。紅
垂簷。赴朝。坐車。止用傘。紅杖。郡君。紅杖一對。銷
金青傘一柄。車。藍蓋。藍幃。紅垂簷。赴朝。坐車。用
傘。紅杖。縣君。紅杖一對。車。藍蓋。藍幃。紅鑲青垂
簷。赴朝。坐車。用紅杖。鄉君。車。藍蓋。藍幃。紅鑲青
垂簷。○順治九年。題准。固倫公主。纛二桿。吾杖

一對。立瓜一對。臥瓜一對。骨朶一對。紅寶花傘
二柄。曲柄傘一柄。青花扇二把。紅孔雀扇二把。
轎。車。紅蓋。紅幃。青鑲蓋角。紅垂簷。和碩公主。纛
二桿。吾杖一對。立瓜一對。臥瓜一對。骨朶一對。
紅寶花傘二柄。曲柄傘一柄。紅孔雀扇二把。轎
車。紅蓋。紅幃。青鑲蓋角。青垂簷。郡主。纛二桿。吾
杖一對。立瓜一對。骨朶一對。紅寶花傘二柄。紅
孔雀扇二把。轎。車。紅蓋。紅幃。藍鑲蓋角。藍垂簷。
縣主。吾杖一對。立瓜一對。紅寶花傘一柄。青花
扇二把。轎。車。青蓋。青幃。紅鑲蓋角。紅垂簷。郡君。

車。青蓋。藍幃。紅鑲蓋角。紅垂簷。縣君。車。藍蓋。藍幃。紅垂簷。鎮國公女。鄉君。車。藍蓋。藍幃。青鑲紅垂簷。輔國公女。鄉君。車。藍蓋。藍幃。紅鑲青垂簷。

○康熙六年。題准。公主。郡主。轎夫執事人。用繡團獅子綠緞衣。縣主。轎夫執事人。用素綠緞衣。

○三十年。定。固倫公主。轎車。金黃蓋。紅幃。紅鑲蓋角。金黃垂簷。和碩公主。轎車。紅蓋。紅幃。金黃鑲蓋角。金黃垂簷。郡主。轎車。紅蓋。紅幃。青鑲蓋角。紅垂簷。縣主。轎車。紅蓋。紅幃。藍鑲蓋角。藍垂簷。郡君。車。紅蓋。藍幃。藍鑲蓋角。紅垂簷。縣君。車。

青蓋。青幃。紅鑲蓋角。紅垂簷。鎮國公女。鄉君。車。青蓋。青幃。藍鑲蓋角。紅垂簷。輔國公女。鄉君。車。青蓋。藍幃。紅垂簷。

凡公主以下。鄉君以上。慶賀。及赴朝。儀仗。康熙六年。定。儀仗至

紫禁城止。公主等。至下馬牌下。轎車。其隨入婦女名數。固倫公主。五名。和碩公主。郡主。四名。縣主。三名。郡君。二名。縣君。鄉君。一名。坐車。五。用傘。扇。

凡王妃以下。儀仗。崇德元年。定。親王妃。清道旗一對。紅杖一對。吾杖一對。銷金紅傘一柄。青扇

一把。拂子一對。金唾盂一。金水盆一。轎車。紅蓋。紅幃。青鑲蓋角。青垂簷。執事人。青衣。紅帶。青帽。銀頂。上監。紅翎。赴朝。或坐轎。或坐車。止用傘。扇。紅杖。吾杖。側妃。轎車。紅蓋。紅幃。藍鑲蓋角。藍垂簷。郡王妃。清道旗一對。吾杖一對。銷金紅傘一柄。青扇一把。拂子一對。金水盆一。轎車。紅蓋。紅幃。藍鑲蓋角。藍垂簷。執事人。衣帽。同前。赴朝。或坐轎。或坐車。止用傘。扇。吾杖。側妃。轎車。青蓋。青幃。紅鑲蓋角。紅垂簷。貝勒夫人。紅杖一對。銷金紅傘一柄。拂子一對。轎車。青蓋。青幃。紅鑲蓋角。

紅垂簷。執事人。衣帽。同前。赴朝。或坐轎。或坐車。止用傘。紅杖。側夫人。車。青蓋。藍幃。紅鑲蓋角。紅垂簷。貝子夫人。車。青蓋。藍幃。紅鑲蓋角。紅垂簷。赴朝。坐車。側夫人。車。藍蓋。藍幃。紅垂簷。鎮國公夫人。車。藍蓋。藍幃。紅垂簷。輔國公夫人。車。藍蓋。藍幃。青垂簷。鎮國將軍夫人。車。青蓋。藍幃。藍垂簷。奉國將軍夫人。車。藍蓋。白幃。藍垂簷。○順治四年。定。親王妃。纛二桿。吾杖一對。立瓜一對。臥瓜一對。骨朶一對。紅方傘二柄。紅繡花傘二柄。曲柄

大清會典 卷七十一 禮部十四
傘一柄。青繡寶花扇一把。紅繡孔雀扇一把。轎車。紅蓋。紅幃。青鑲蓋角。青垂簷。側妃。與郡王妃同。郡王妃。纛二桿。吾杖一對。立瓜一對。骨朶一對。對。紅繡寶花傘二柄。紅繡孔雀扇二把。轎車。紅蓋。紅幃。藍鑲蓋角。藍垂簷。側妃。與貝勒夫人同。貝勒夫人。吾杖一對。立瓜一對。紅繡寶花傘一柄。青繡花扇一把。轎車。青蓋。青幃。紅鑲蓋角。紅垂簷。側夫人。與貝子夫人同。貝子夫人。車。青蓋。藍幃。紅鑲蓋角。紅垂簷。側夫人。與鎮國公夫人同。鎮國公夫人。車。藍蓋。藍幃。紅垂簷。側夫人。與

輔國公夫人同。輔國公夫人。車。藍蓋。藍幃。紅鑲青垂簷。側夫人。車。亦同。○九年。題准。親王妃。纛二桿。吾杖一對。立瓜一對。臥瓜一對。骨朶一對。紅繡寶花傘二柄。曲柄傘一柄。青繡寶花扇二把。紅繡孔雀扇二把。轎車。紅蓋。紅幃。青鑲蓋角。紅垂簷。側妃。轎車。青垂簷。減青繡寶花扇二把。餘俱同。世子妃。儀仗。轎車。與親王側妃同。世子側妃。纛二桿。吾杖一對。立瓜一對。骨朶一對。紅繡寶花傘二柄。紅繡孔雀扇二把。轎車。紅蓋。紅幃。藍鑲蓋角。藍垂簷。郡王妃。儀仗。與世子側妃

大清會典 卷一百一十五
同。轎車。照先定例。郡王側妃。吾杖一對。立瓜一對。紅繡寶花傘一柄。青繡寶花扇二把。轎車。青蓋。青幃。紅鑲蓋角。紅垂簷。貝勒夫人。儀仗。轎車。與郡王側妃同。貝勒側夫人。轎車。青蓋。藍幃。紅鑲蓋角。紅垂簷。貝子夫人以下。奉國將軍。淑人。以上車。俱各照先定例。○康熙六年。題准。親王妃。側妃。郡王妃。執事人及轎夫。用繡團獅子綠緞衣。郡王側妃。貝勒夫人。執事人及轎夫。用綠素緞衣。○三十年。定。親王妃。轎車。紅蓋。紅幃。青鑲蓋角。金黃垂簷。側妃。轎車。紅蓋。紅幃。青鑲蓋角。紅垂簷。郡王妃。轎車。紅蓋。紅幃。青鑲蓋角。青垂簷。郡王側妃。同。側妃。轎車。紅蓋。紅幃。藍鑲蓋角。藍垂簷。以上車。轆輪。俱用紅色。郡王長子。妃。轎車。與

角。紅垂簷。其世子。妃。轎車。與親王側妃同。側妃。轎車。紅蓋。紅幃。青鑲蓋角。青垂簷。郡王妃。轎車。與親王世子側妃同。側妃。轎車。紅蓋。紅幃。藍鑲蓋角。藍垂簷。以上車。轆輪。俱用紅色。郡王長子。妃。轎車。與

郡王側妃同。側妃。轎車。紅蓋。青幃。青鑲蓋角。紅垂簷。貝勒夫人。轎車。與郡王長子側妃同。側夫人。轎車。青蓋。青幃。紅鑲蓋角。紅垂簷。以上車。轆輪。用紫色。鎮國公夫人。車。與貝子

側夫人同。側夫人。車。青蓋。青幃。藍鑲蓋角。紅垂

簷輔國公夫人車。與鎮國公側夫人同。側夫人車。青蓋。藍幃。紅垂簷。以上車轅用青色。輪用紅色。蓋幃垂簷用緞。鎮

國將軍夫人車。與輔國公側夫人同。輔國將軍

夫人車。藍蓋。藍幃。紅垂簷。奉國將軍淑人車。青

蓋。青幃。青垂簷。奉恩將軍宜人車。青蓋。青幃。青

垂簷。以上車轅用青色。輪用紅色。蓋幃垂簷用素緞。

凡王妃以下。公夫人以上。慶賀及赴朝儀仗。康

熙六年。定儀仗至

紫禁城止。妃等至下馬牌下。轎車。其隨入婦女名

數。親王妃。世子妃。四名。郡王妃。三名。貝勒夫人。

二名。貝子夫人。公夫人。一名。

宗學

命順治十年。題准。親王。世子。郡王。各設官員。敷陳四書五經諸史。貝勒以下。亦應講閱經史諸書。親王。每府選取部院他赤哈哈番內。滿洲漢軍進士出身者。各設一員。給與四品頂帶。世子。每府選取部院筆帖式內。滿洲漢軍進士出身者。各設一員。給與五品頂帶。郡王。每府選取閑散滿洲漢軍進士出身者。各設一員。給與六品頂帶。如進士不足。於舉人內考用。舉人不足。於各府護衛內選用。又每旗各設宗學。每學選取滿

大清會典 卷七十一
洲生員一人爲師傅。給與七品頂帶。凡宗室子弟十歲以上。俱入宗學教習清書。其漢書聽自延師教習。○十一年。議准。覺羅廕生。令送國子監讀書。俟期滿。與官員廕生一體照品銓授。○康熙十二年。題准。王以下。入八分公以上。子弟年滿十歲者。於本府講讀經史諸書。○三十四年。議准。宗室子弟。令延文學優贍者。在各府第精專學習。○雍正三年。

特命設官學。擇宗室內分尊齒長者四人。令掌教習。諭。朕惟睦族敦宗。務先教化。特立義學。揀選爾等教習。隨其資質。勸學興行。有不遵教訓者。小則爾等懲戒。大則揭報宗人府會同奏聞。其行止端方。精勤好學者。無論年齒長幼。卽行保奏。從來立教之術。莫要於獎善懲惡。善不獎不能使之勸。惡不懲不能使之改。爾等旣膺簡任。務期勤慎黽勉。恪供厥職。以副朕篤厚宗親。殷勤教育之至意。○又覆准。左右兩翼官房。每翼各立一滿學。一漢學。王貝勒貝子公將軍閑散之十八歲以下子弟。有願在家讀書者。聽其在官學子弟。或清書。或漢書。隨其志願。分別教授。十九歲以上。已曾讀書

之宗室。有願讀書者。亦聽其入學。教授人員。於各部院司官中書內揀選四員。每翼分派二員。教習清書。令禮部揀選教習四員。每翼分派二員。教習漢書。騎射亦屬緊要。行文兵部於閑散官及護軍校護軍內。揀選善騎射者四員。每翼分派二員。於官學內修一箭道。讀書之暇。教習騎射。

特簡宗室四人爲正教長。宗人府挑選十六人爲副教長。如正教長缺出。卽擇副教長補授。令伊等輪流直日。不時勸勉。教習禮義。每月考試一次。

將學業騎射好者。平常者。不及者。分別等第。申報註冊。每春秋二季。宗人府親試其學業優長。騎射出衆者。奏

聞引

見。其直日教長。月給銀三兩。粳米三斗。讀書子弟。月給銀米同。按月各給川連紙一刀。筆三枝。墨一錠。自十一月朔至正月底。各給炭一百八十觔。自五月朔至七月底。每日給水一塊。教習清書之司官中書。仍聽領取衙門公費使用。教習漢書之員。照國子監教習例。每月給米兩斛。三十

大清會典 卷一百一十四
禮部 十四
三

六月滿。咨送吏部照例補用。教習騎射人員。每月給銀一兩。此應給銀米筆墨紙炭冰塊。行文該部支給。所立宗室學舍。宗人府親身閱看。應修之處。派官料估。領取工部錢糧。修理題銷。至教習五年。成就人多。正教長每員賞緞四疋。副教長每員賞緞二疋。並舉其勤勞訓化實蹟。另行保奏。教習清書官員。行文該部院議敘。教習騎射人員。交該旗以應陞之缺卽用。有不稱職者。指名題叅。

宗室旌表

順治九年。

諭。諸王宗室覺羅內。有孝友義順。及守節貞烈者。宗人府核實具奏。禮部題請旌表。○十年。題准。宗室內節孝者。各依等第頒給

恩賜。親王。固倫公主。親王嫡妃。給銀一百兩。緞十六疋。世子。和碩公主。親王側妃。世子嫡妃。給銀九十兩。緞十四疋。郡王。郡主。世子側妃。郡王嫡妃。給銀八十五兩。緞十二疋。貝勒。縣主。郡王側妃。貝勒嫡夫人。給銀八十兩。緞十一疋。貝子。貝勒

側夫人。郡君。貝子嫡夫人。給銀七十五兩。緞十疋。鎮國公。貝子側夫人。縣君。鎮國公夫人。給銀七十兩。緞九疋。輔國公。鎮國公側夫人。鄉君。輔國公側夫人。給銀六十五兩。緞八疋。鎮國將軍。輔國將軍夫人。給銀五十五兩。緞六疋。奉國將軍。輔國將軍夫人。給銀五十兩。緞五疋。奉恩將軍。恭人。給銀四十兩。緞三疋。鎮國將軍。輔國將軍。奉國將軍。奉恩將軍。將軍女。及閑散宗室。並妻女。

給銀三十五兩。緞二疋。以上俱由戶部頒給。內院擬

勅命一道獎諭。凡旌表貞烈者。自固倫公主親王妃以下。輔國公夫人以上。俱照等第。除

欽賜羊酒紙張外。禮部仍照定例。另給羊酒紙張。內院撰文。遣官致祭。鎮國將軍夫人以下。閑散宗室妻女。部給羊酒紙張。內院撰文。遣官致祭。凡覺羅內有節孝者。給銀三十兩。緞一疋。有貞烈者。給羊酒紙張。內院撰文。遣官致祭。○十三年。題准。親王薨。妾媵殉節者。禮部給羊酒紙張。內

大清會典 卷十一
院撰文遣官致祭。

藩國禮

冊封儀

崇德元年定議敘來歸外藩諸部落貝勒等有

大功者。

冊封為和碩親王。多羅郡王。有次功者。

冊封為多羅貝勒。遣大臣執信約往封。行至本部落

邊界。驗視信約。將奉差大臣職名。併

冊封各事宜。飛報本部落貝勒。該貝勒迎至五里外。

下馬排跪路右。候

制冊過。乘馬隨。貝勒並行。至本部落香案外。

大清會典 卷七十一
制冊後。使臣在左。貝勒在右。並行。至本府。設香案於
正中。使臣捧

制冊。奉安香案上。於香案東旁。西向立。貝勒行一跪
三叩頭禮。畢。復跪。使臣捧

制冊。授宣讀官。立宣。畢。使臣捧
制冊。復置香案上。貝勒行一跪三叩頭禮。使臣捧

制冊。授貝勒。貝勒跪。捧受。轉授從官。再行一跪三叩
頭禮。畢。貝勒與使臣對行二跪二叩頭禮。使臣

居左。貝勒居右。對坐。事竣。仍送使臣至原迎處。
○順治十七年。題准。外藩親王。郡王。正室。封親

王妃。郡王妃。貝勒。貝子。鎮國公。輔國公。正室。俱

封夫人。○康熙十二年。題准。封外藩親王。郡王。

嫡妃。遣內閣侍讀學士。侍讀。翰林院侍讀學士。

侍講學士。侍讀。侍講。禮部郎中。員外郎。主事。照

職銜為正副使。封貝勒夫人以下。公夫人以上。

遣內閣侍讀。翰林院侍讀。侍講。禮部員外郎。主

事。照職銜為正副使。其理藩院官員。照例同往。

詔勅至外藩王貝勒奉迎儀

崇德三年。定。凡遣大臣賫送

詔勅。執信約。前往至蒙古本部落邊界。驗視信約。以

大清會典 卷十一
奉差大臣職名併事宜。馳報本部落王貝勒。該王貝勒於五里外迎接。排立路右候。

詔勅過。騎馬隨後。使臣居左。王貝勒居右。並行至本府。設香案於正中。使臣捧

詔勅。奉安案上。至東旁。西向立。王貝勒行一跪三叩頭禮。畢。復跪。使臣從案上捧

詔勅。授宣讀官。立宣。畢。使臣仍捧置案上。王貝勒行一跪三叩頭禮。使臣捧

詔勅。授王貝勒。王貝勒跪受。授從官。又行一跪三叩頭禮。奉安

詔勅訖。與使臣對行二跪二叩頭禮。使臣居左。王貝勒居右。對坐。事竣。仍送使臣至原迎處。凡賚送

欽賞等事。崇德三年定。

欽差大臣侍衛執信約。前往蒙古本部落邊界。問明使臣職名。事宜。馳報王貝勒府。卽差官迎於五里外。王貝勒出營迎接。至本府跪受

欽賞。望

賞闕。二跪六叩頭。禮畢。王貝勒與使臣對行一跪一叩頭禮。照常對坐。事竣。仍送至原迎處。

凡外藩遣使來朝及進貢使臣事竣賞賜回國。崇德三年定。至日王貝勒貝子等出府迎。接。受。訖。望。

闕行二跪六叩頭禮。受訖至本府跪受。

於至大司於禮部待命。外親王居左。外親王居右。俱由中門入。內親王在東向西立。外親王在西向東立。外親王行二跪六叩頭禮。內親王答禮。畢。內親王坐於東。外親王坐於西。其隨從官員於殿外行二跪六叩頭禮。隨伊主後坐。宴畢。隨從官員先行一跪一叩頭禮。外親王離位。行一跪一叩頭禮。內親王答禮。外親王起行。內親王送至階下。回府。本府官送至府門外。外藩郡王見內親王。內親

內外王公相見儀

崇德間定。外藩親王見內親王。內親王出殿降

階迎。內親王居左。外親王居右。俱由中門入。內

親王在東向西立。外親王在西向東立。外親王

行二跪六叩頭禮。內親王答禮。畢。內親王坐於

東。外親王坐於西。其隨從官員於殿外行二跪

六叩頭禮。隨伊主後坐。宴畢。隨從官員先行一

跪一叩頭禮。外親王離位。行一跪一叩頭禮。內

親王答禮。外親王起行。內親王送至階下。回府。

本府官送至府門外。外藩郡王見內親王。內親

大清會典 卷十一
王出殿迎。不降階。內親王由中門先入。外郡王隨後入。內親王在東向西立。外郡王在西向東立。外郡王行二跪六叩頭禮。內親王跪受半禮。答半禮。畢。內親王坐於東。外郡王坐於西。其隨從官員。於殿外行二跪六叩頭禮。隨伊主後坐。宴畢。隨從官員。先行一跪一叩頭禮。外郡王離位。行一跪一叩頭禮。內親王答跪拱手。不叩。外郡王起行。內親王送出殿。不降階。本府官送出府門外。外藩貝勒見內親王。內親王離坐迎。不出殿。外貝勒由西旁門入。行二跪六叩頭禮。內

親王躬身拱手。禮畢。內親王坐於中。外貝勒坐於西旁。其隨從官員。於殿外行二跪六叩頭禮。隨伊主後坐。宴畢。隨從官員。先行一跪一叩頭禮。外貝勒離位。行一跪一叩頭禮。內親王躬身拱手。外貝勒起行。內親王不送。本府官送出府門外。外藩貝子見內親王。部堂官引進殿外。貝子行二跪六叩頭禮。內親王躬身拱手。坐受。禮畢。外貝子在西側坐。其隨從官員。於殿外行二跪六叩頭禮。隨伊主後坐。宴畢。貝子離位。行一跪一叩頭禮。內親王躬身拱手。坐受。隨從官員。跪一叩頭禮。內親王躬身拱手。坐受。隨從官員。

在殿外行一跪一叩頭禮。外貝子起行。內親王不送。本府官送出府門外。外藩公見內親王禮。與外藩貝子見內親王禮同。外藩親王見內郡王。內郡王迎至大門。內郡王居東。外親王居西。俱由中門入。內郡王在東向西立。外親王在西向東立。對行二跪六叩頭禮。畢。內郡王坐於東。外親王坐於西。其隨從官員。行二跪六叩頭禮。隨伊主後坐。宴畢。隨從官員。先行一跪一叩頭禮。外親王。內郡王。各就坐。行一叩頭禮。外親王起行。內郡王送至大門內。回。本府官送出府門。

外。外藩郡王見內郡王禮。與外藩親王見內親王禮同。外藩貝勒見內郡王禮。與外藩郡王見內親王禮同。外藩貝子見內郡王禮。與外藩貝勒見內親王禮同。外藩公見內郡王禮。與外藩貝子見內親王禮同。外藩親王見內貝勒。內貝勒出府門外迎。內貝勒居東。外親王居西。俱由中門入。外親王先行。內貝勒稍後。外親王在西向東立。內貝勒在東向西立。對行一跪三叩頭禮。畢。外親王坐於西。內貝勒坐於東。其隨從官員。行一跪三叩頭禮。隨伊主後坐。宴畢。隨從官

員。先行一跪一叩頭禮。外親王。內貝勒。各就坐。行一叩頭禮。起行時。讓外親王先行。內貝勒稍後。送出府門外。外藩郡王見內貝勒。內貝勒迎至大門。內貝勒居東。外郡王居西。俱由中門入。外郡王在西向東立。內貝勒在東向西立。對行一跪三叩頭禮。畢。外郡王坐於西。內貝勒坐於東。其隨從官員。行一跪三叩頭禮。隨伊主後坐。宴畢。隨從官員。先行一跪一叩頭禮。外郡王。內貝勒。各就坐。行一叩頭禮。外郡王起行。內貝勒送至大門。回本府官送出府門外。外藩貝勒見

內貝勒禮。與外藩郡王見內郡王禮同。惟初見時。內外貝勒各行一跪三叩頭禮。隨從官員。亦行一跪三叩頭禮。外藩貝子見內貝勒禮。與外藩貝勒見內郡王禮同。惟初見時。外貝子行一跪三叩頭禮。內貝勒跪而拱手。隨從官員。亦行一跪三叩頭禮。外藩公見內貝勒禮。與外藩貝子見內郡王禮同。惟初見時。外藩公及隨從官員。俱行一跪三叩頭禮。外藩親王。郡王。貝勒。見內貝子。公。內貝子。公。出大門外迎。外親王等居西。先入。內貝子。公居東。後入。外親王等在西向

大清會典 卷七十一
東立。內貝子、公在東向西立。對行一跪一叩頭禮。畢。外親王等坐於西。內貝子、公坐於東。其隨從官員行一跪一叩頭禮。內貝子、公於座拱手。隨從官員各隨伊主後坐。宴畢。隨從官員先行一跪一叩頭禮。內貝子、公仍於座拱手。外親王等起。內貝子、公各就坐。行一叩頭禮。外親王等起行。內貝子、公送出大門外。候乘馬方回。外藩貝子見內貝子。內貝子出堂迎。內貝子居東。外貝子居西。俱由中門入。內貝子在東向西立。外貝子在西向東立。外貝子行一跪一叩頭禮。內貝子居西。俱由中門入。內貝子在東向西立。外貝子在西向東立。對行一跪一叩頭禮。畢。外貝子坐於西。內

子答禮。畢。內貝子坐於東。外貝子坐於西。其隨從官員行一跪一叩頭禮。隨伊主後坐。宴畢。隨從官員先行一跪一叩頭禮。外貝子離位。行一跪一叩頭禮。內貝子答禮。外貝子起行。內貝子送出堂。本府官送出府門外。外藩公見內貝子禮。與外藩貝子見內貝子禮同。惟初見時。外藩公及隨從官員俱行一跪一叩頭禮。外藩貝子見內公。內公出大門迎。外貝子居西。內公居東。俱由中門入。內公在東向西立。外貝子在西向東立。對行一跪一叩頭禮。畢。外貝子坐於西。內

大清會典卷之七十一
公坐於東。隨從官員行一跪一叩頭禮。隨伊主
後坐。宴畢。隨從官員先行一跪一叩頭禮。外貝
子與內公各就坐。對行一叩頭禮。外貝子起行。
內公送至大門。本府官送出府門外。外藩公見
內公禮。與外藩貝子見內貝子禮同。貝子禮
送。出堂本執官送出。執門杖。校尉公。良內貝子
與一叩頭。內貝子答。外貝子答。內貝子
官員於下。一跪一叩頭。外貝子答。內貝子
官員於下。一跪一叩頭。外貝子答。內貝子
官員於下。一跪一叩頭。外貝子答。內貝子

大清會典卷之七十一

大清會典卷之七十一

禮部儀制司

官員禮

朝廷莫如爵。故官員行禮。類依品級等次。凡相遇

有讓道迴避之儀。相見有序坐庭。參之別。尊卑

上下。秩然不可紊越。茲備著之。而儀從之制附

焉。

京官迴避儀

崇德元年。定。固倫額駙出行。鎮國公。和碩公主

額駙。遇。分路行。輔國公。鎮國將軍。民公。都統。尚

書等官。遇。讓道旁行。輔國將軍。副都統。侍郎。及

叅領等官。遇勒馬。立於道旁候過。佐領等官以

下。遇俱下馬候過。若額駙係親王。郡王。貝勒。各照本爵。超等公。和

碩公主額駙。出行。都統。精奇尼哈番。尚書等官。

遇讓道旁行。副都統。侍郎。叅領等官。遇勒馬。立

於道旁候過。佐領等官以下。遇俱下馬候過。若額

駙係親王。郡王。貝勒。貝子。各照本爵。民公。郡主額駙。出行。都統。精

奇尼哈番。尚書等官。遇分路行。副都統。侍郎等

官。遇讓道旁行。叅領。佐領等官。遇勒馬。立於道

旁候過。護軍校。驍騎校等官。及軍民人等。俱下

馬。候過。都統。精奇尼哈番。尚書。縣主額駙。出行。

副都統。侍郎等官。遇讓道旁行。叅領。佐領等官。

遇勒馬。立於道旁候過。護軍校。驍騎校等官。及

軍民人等。俱下馬候過。內大臣。副都統。護軍統

領。前鋒統領。郡君額駙。大學士。侍郎等官。出行。

叅領等官。遇讓道旁行。佐領等官。遇勒馬。候過。

護軍校。驍騎校等官。及軍民人等。俱下馬候過。

一等待衛。護衛。叅領。前鋒。叅領。縣君額駙。學士。

滿啓心郎。郎中等官。出行。佐領等官。遇讓道旁

行。護軍校。驍騎校等官。及軍民人等。俱勒馬。候

過。二等待衛。護衛。鄉君額駙。佐領。漢啓心郎。員

外郎等官。出行。護軍校。驍騎校等官。及軍民人等。遇。讓道行。凡超品公以下。文武各官。命婦。俱照本夫迴避例。○又定。凡奉。賜。善。官。賜。善。官。欽差。及。捧。齋。滿。對。滿。參。酌。前。給。參。酌。練。營。騰。調。學。士。勅。旨。或。軍。對。總。領。外。等。官。及。軍。民。人。等。其。下。馬。迴。避。欽。賜。恩。賞。者。遇。應。迴。避。官。不。下。馬。分。路。行。○順。治。八。年。題。准。侯。伯。與。民。公。同。阿。思。哈。尼。哈。番。與。副。都。統。同。阿。達。哈。哈。番。與。叅。領。同。拜。他。喇。布。勒。哈。番。拖。沙。喇。哈。番。與。佐。領。同。內。大。臣。改。與。都。統。同。○九。年。題。准。民。公。和。碩。公。主。額。駙。郡。主。額。駙。侯。伯。

出行。都統精奇尼哈番。尚書等官。遇。分路行。副都統侍郎等官。遇。讓道旁行。叅領。郎中。佐領。員外郎。拖沙喇哈番。主事等官。遇。勒馬。立於道旁。候過。護軍校。驍騎校等官。及軍民人等。俱下馬。候過。都統。內大臣。精奇尼哈番。尚書。縣主。額駙。出行。副都統。侍郎等官。遇。讓道旁行。叅領。郎中。佐領。員外郎。拖沙喇哈番。主事等官。遇。勒馬。立於道旁。候過。護軍校。驍騎校等官。及軍民人等。俱下馬。候過。護軍統領。步軍統領。副都統。侍郎。阿思哈尼哈番。前鋒統領。郡君。額駙等官。出行。

叅領。郎中等官。遇讓道旁行。佐領。員外郎。拖沙喇哈番。主事等官。遇勒馬候過。護軍校。驍騎校等官。及軍民人等。俱下馬候過。一等侍衛。護衛。叅領。阿達哈哈番。郎中。縣君。額駙等官。出行。佐領。員外郎。拖沙喇哈番。主事等官。遇讓道旁行。護軍校。驍騎校等官。及軍民人等。遇。俱勒馬候過。二等侍衛。護衛。拜他喇布勒哈番。佐領。員外郎。鄉君。額駙。拖沙喇哈番。主事等官。出行。護軍校。驍騎校等官。及軍民人等。遇。讓道行。凡民公以下。文武各官命婦。俱照本夫迴避例。○康熙十八年。題准。在京武職。民公。侯。伯。以下。散秩大臣。阿思哈尼哈番以上。文職。大學士。尚書以下。學士。大九卿以上。許用引馬一騎。官卑者。及軍民人等。遇。俱照例下馬迴避。違者送該部議處。其不應用引馬而擅用者。官交該部議處。民交刑部治罪。

見坐外官相見儀

順治十二年。題准。提督見總督。由中門入。至儀門外下馬。總督至提督堂前下轎。坐次。總督正坐。提督侍坐。如提督有精奇尼哈番者。總督居

大清會典 卷七十一
左。提督居右。文移。總督用劄付。提督用咨呈。與巡撫相見。坐次。及文移。俱平行。如巡撫加兵部銜者。提督於儀門外下馬。與巡按司。道。府。廳。相見。坐次。文移。俱平行。惟府。廳。於提督儀門外下轎馬。州。縣。見提督。俱由角門出入。提督迎送至堂簷下。後堂待坐。州。縣。官。旁坐。文移。用呈稟。總兵官見總督。用履歷手本。由儀門進。堂上三揖。總督答禮。後堂待坐。總督正坐。總兵官旁坐。出。送至堂簷下。見巡撫。參堂待坐。巡撫拜總兵官。大堂列坐。俱至儀門下轎馬。迎送至下轎馬處。

文移。俱用手本。巡撫加兵部銜者。總兵官由角門進。堂上三揖。巡撫答禮。後堂待坐。出。送至二門。與巡按相見。行賓主禮。與分司。司。道。運司。相見。俱平行。文移。俱用手本。與府。廳。相見。俱平行。總兵官文移行府。仰經歷司抄文呈堂。府。亦行。經歷司。轉呈總兵官。與州。縣。相見。行賓主禮。文移用關牒。副將見總督。用履歷手本。行一跪稟拜。免。仍行一跪一揖禮。簷下侍立。待茶。旁立。三躬出。如無府銜者。不待茶。初次披執進見。行一跪一揖禮。出。更衣。再見。行禮同。見巡撫。行庭參禮。待茶。加府銜者。照司。道。

例進見參堂待茶。出送至月臺口。候入煖閣。三

揖。出。隨看拜。無府銜者。不迎送看拜。初次披執

出。更衣再見。行禮同上。見巡按巡漕巡鹽學政。

用官銜手本。於大門外下馬。由儀門進。走西甬

道。各院迎至月臺下甬道中。同上堂。三揖。遞履

歷。遞公文。各一揖。掩門。參堂待茶。對坐。出入讓

各院先行。同下堂。三揖。送至二門外。副將候各

院到公座邊。三揖。出。副將自稱官銜。回看不用

帖。如副將管參將事。見巡按。行庭參禮。用脚色

手本。與布按二司相見。俱平行。文移用手本。走

按察司夾道門。與各道相見。俱平行。文移用手

本移會。如協守副將。於二門外下馬。由中道進。

本道迎至月臺下。堂上待茶。出送至二門外。看

乘馬。與各部分司。運司。府。廳。州。縣。俱平行。參將

遊擊。見總督。用履歷手本。披執進見。行一跪一

揖禮。出。更衣再見。行一跪一揖。稟拜。四叩頭。出。

見巡撫。由角門進。至堂簷下。行全屬禮。耳房待

茶。出。仍行全屬禮。旁立。三躬出。見操撫。用履歷

手本。行禮與見總督同。見巡按。由角門進。至捲

棚中。行全屬禮。侍立待茶。畢。仍行全屬禮。旁立。

三躬出。初見仍稟披執。見布按二司俱平行。文移用咨

文。走按察司夾道門。於二門外下馬。掩門。參堂

待茶。劄委者不在此例。見分司。運司。各道俱平行。於二

門外下馬。由中門進。本道迎至堂口。參堂待茶。

送至二門外。看乘馬。文移用手本。劄委者不與在此例。

府廳州縣相見。俱平行。都司見總督。與參將見

總督禮同。掌印都司。隨二司見巡撫。稟拜。免行

三揖禮。掩門。後堂待茶。仍至前堂。三司打躬。出

如單見。仍行庭參禮。僉書操捕都司。行都司。與

掌印都司同。凡各都司。初見。及霜降揚威日。俱

披執進參。出更衣。再進。照司道例待茶。掌印都

司見巡按。由中門進。至堂臺。作揖。二堂待茶。初

見。稟披執。常見。隨二司不跪。單見。行一跪一揖

禮。僉書操捕都司同。行都司見巡按。由中門進。

於西滴水簷前。行一跪一揖禮。畢。向東一躬。至

衙仗。向上三躬。由西旁行至中門。出。掌印僉書

操捕各都司。與布按二司相見。俱平行。文移用

咨文。走按察司夾道門。於二門外下馬。掩門。參

堂待茶。劄委者不在此例。見各道。俱平行。劄委者不營在此例。

都司。屯田都司。於本道行庭參禮。見各部分司

俱平行。行都司見戶部分司。二門外下轎。後堂待茶。分司回拜。方臺下轎。大堂待茶。營都司見分司。用官銜手本。堂前行禮。畢。一躬。卽出。與運司。府。廳。州。縣。官相見。俱平行。專城並道標。及各營中軍守備。見總督。巡撫。巡按。俱由角門進。至堂簷前。行庭參禮。初見。披執。行禮。各衛掌印守備。并城守守備。中軍守備。俱行全叩禮。見布按。二司。各道。用脚色手本。行庭參禮。文移用申呈。初見。稟披執。加都司銜者。仍行守備禮。見分司。堂前行禮。分司答躬。文移用呈。分司用仰牌。見

知府。用手本。行屬禮。文移用呈。府用照會。見廳官。州縣官。俱平行。凡提督。總兵官以下。守備以上。遇督。撫。巡。按。出城閱兵操演。俱披執。○十三年。題准。州。縣。見提督。及總兵官。大門外下馬。由東角門進。至堂簷下。向上三躬。茶房待茶。提督。總兵官。正坐。州。縣。侍坐。茶畢。稟辭。由西角門出。不看拜。文移。州。縣。用申文。提督。總兵官。用照會。見副將。用官銜手本。大門外下馬。進中門。由甬道東邊至堂簷下。向上三躬。副將還禮。後堂待茶。送至堂前出。至大門外上馬。文移。州。縣。用牒

大清會典 卷七十一
呈。副將用照會。其餘文武各官相見儀。俱與十二年定例同。○十八年。題准。提督往總督衙門。總督迎至儀門。提督儀門外下轎馬。總督往提督衙門。提督迎至儀門。總督儀門外下轎。送至各迎處。坐次。總督正坐。提督僉坐。文移俱用咨文。與巡撫相見。俱平行。文移俱用咨文。司道分司。運司。見提督。於二門下轎馬。提督迎出簷下。至堦。提督見司道等官。司道等官迎出儀門。提督儀門下轎馬。送至各迎處。坐次。提督正坐。司道等官侍坐。文移。提督用照會。司道等官用咨

呈。府廳。往見提督。於大門外下轎馬。由中門進。坐次。提督正坐。府廳侍坐。提督迎送至簷下。文移。提督用劄付。府廳用牒呈。州縣見提督。於大門外下轎馬。由東角門進。提督不迎送。文移。提督用劄付。州縣用申文。總兵官往總督衙門。至二門外下馬。總督出簷迎至堦上。總督往總兵官衙門。於儀門內下轎。總兵官迎出儀門。送至各迎處。坐次。總督正坐。總兵官侍坐。文移。總督用照會。總兵官用咨呈。與巡撫相見。行賓主禮。文移。俱用咨文。與分司。司道。運司。相見。俱平行。

文移俱用咨文。府廳見總兵官於二門外下轎馬。總兵官迎至簷堦。總兵官見府廳於儀門外下轎馬。府廳迎出儀門外。送至各迎處。坐次。總兵官正坐。府廳侍坐。文移。總兵官用照會。府廳用咨呈。州縣見總兵官於大門外下轎馬。由中門進。總兵官迎送至簷下。坐次。總兵官正坐。州縣侍坐。文移。總兵官用照會。州縣用咨呈。副將掌印都司見總督。用履歷手本於大門外下馬。由角門進。總督迎送至簷下。免披執跪禮。見巡撫。由中門進。至儀門外下馬。巡撫迎至簷下。巡撫往

副將衙門。至堂前下轎。副將迎出儀門外。送至各迎處。坐次。巡撫上坐。副將侍坐。文移。巡撫用照會。副將用咨呈。免披執庭參。與分司。司道。運司。府廳相見。俱行賓主禮。文移俱用手本。州縣見副將。用官銜手本。於大門外下轎馬。由中門進。走甬道邊。副將迎送至簷下。文移。副將用照會。州縣用牒呈。免向上三躬。叅將遊擊以下武官見總督。用履歷手本。行一跪三叩頭禮。免披執。見巡撫。於大門外下馬。由中門進。坐次。巡撫正坐。叅將遊擊侍坐。巡撫迎送至簷下。文移。巡撫用劄付。叅

將遊擊用牒呈。與布按二司相見。俱平行。文移俱用咨。劄委者。不在此例。與各道分司。運司。俱行賓主

禮。文移。俱用手本。劄委者。不在此例。與府廳。俱行賓主

禮。文移。俱用平關。與州縣。俱平行。文移。俱用手

本。掌印都司。營都司。行都司。屯田都司。操捕都

司。衛守備。守禦所千總。衛千總等官。見巡撫。於

大門外下馬。由角門進。巡撫不迎送。守禦所千

總。衛千總。行一跪三叩頭禮。巡撫與各都司文

移。用劄付。各都司用申文。巡撫與守備千總。文

移。用牌票。守備千總。用申文。免披執全屬禮。各都司見

布。按二司。俱行賓主禮。文移。俱用手本。劄委者。不在此

例。各都司與各道分司。運司。俱平行。文移。俱用

手本。各都司與府廳。州縣。俱平行。文移。俱用平

關。分防標下中軍。守備。掌印。專城。并道標中軍

及各營中軍。守備。見巡撫。於大門外下馬。由角

門進。巡撫不迎送。文移。巡撫用劄付。各守備用

申文。免披執。行屬禮。見司道。用官銜手本。於大門外下

馬。由中門進。走甬道邊。司道迎送至簷下。文移

司道。用照會。各守備用牒呈。見分司。府廳。州縣

俱行賓主禮。文移。俱用手本。凡鎮守各省將軍。

大清會典 卷七十一
與總督巡撫提督總兵官相見。各不相轄。俱行賓主禮。文移俱用咨。其餘文武各官。見本省將軍。俱如見總督禮。○康熙二十年。題准。宣屬廳員。有稽察錢糧之責。其屯衛守備。行屬官禮。○二十二年。題准。協領。叅領等官。見督撫。照布。按兩司例行。佐領。防禦等官。照各道員例行。驍騎校以下官員。照知州。知縣例行。○二十九年。題准。各關監督。與督撫相見。及用文移之處。俱照副將與巡撫相見。行文例行。至司道以下相見。行文之處。亦照副將例行。○三十三年。定。督撫。

開門視事。撫先。督後。逢五逢十。督撫。司道。府廳等官。俱停其相見。在外大小各官。除朝賀祭祀。及到任外。相見不用朝服。

八旗官員理事儀

雍正五年。定。八旗公所辦事。都統正坐。副都統旁坐。其叅領。於副都統稍後兩旁坐。佐領以下。及散秩官員。各照品級序坐。有事。叅領起立回話。佐領以下官員。俱屈一足回話。其侍衛。藍翎侍衛。並拜他喇布勒哈番以上之副叅領。署叅領。俱照叅領之例行。拖沙喇哈番以下之副叅

大清會典 卷七十一
領。署叅領俱照佐領之例行。驍騎校等官有事於叅領前。屈一足回話。於佐領前。侍立回話。閒散官員。如有公事。於都統。副都統前。阿思哈尼哈番以上官員。侍立回話。阿達哈哈番以下官員。屈一足回話。管旗務之王。宗室公前。叅領以下官員。俱屈一足白事。管佐領之大人。各照品級行。小京堂。以及科道等官。管佐領者。照叅領之例行。宗室管佐領者。在旗下大人前。俱侍立白事。其前鋒統領。護軍統領。在各公所辦事。前鋒叅領。前鋒侍衛。護軍叅領。侍衛。副叅領。藍翎

人副叅領。侍衛署叅領。拜他喇布勒哈番以上副叅領。署叅領。俱照八旗叅領之例行。拖沙喇哈番以下副叅領。署叅領。護軍校。副叅領。署叅領。俱照八旗佐領之例行。前鋒校。護軍校。俱照八旗驍騎校之例行。其步軍統領衙門辦事。步軍統領正坐。步軍總尉旁坐。步軍副尉。在步軍統領前。屈一足白事。在步軍總尉前。侍立白事。步軍校。城門校。於統領。總尉前。俱屈一足白事。於副尉前。侍立白事。凡八旗官員在公所辦事。如遇別旗大人。亦照見本旗大人之例行。倘有越

大清會典 卷七十一 禮部十五
分違例任意行走者。聽該管大人。並查旗御史
題叅。交與該部議處。又奉官員。亦公視辦事。故
旨。宗室管佐領者。於王公前。著屈一足回話。白事。故
京官理事儀。亦。世軍臨榻前。立白事。世
雍正五年。世軍臨榻前。立白事。世
諭。聖人之道。爲人臣者。過闕必趨。而於家庭。父母之
前。亦有趨庭之禮。孔子云。事君盡禮。人以為諂。蓋
因敬謹之念。素存於中。故舉動威儀之間。自無怠
忽。非勉強於臨時也。前者大朝之時。有漢司官二
人。於班聯之中。大失禮節。朕降嚴旨。欲重二人之

罪。嗣後衆人皆知儆惕。不蹈前轍。因而寬釋。至於
引見之時。往往漢官有在朕前高視濶步。舉止不
恭者。又聞各部司官。辦理公事。滿司官之見滿堂
官。則屈一膝應對。而漢司官之對堂官。則或立或
蹲。一任其意。同一堂司。而何以滿漢之禮互異。卽
科道滿漢禮節。亦不相符。且漢司官陞遷。方爲道
府。道府之見督撫。卑躬屈節。竟有違例朝服匍匐
跪道。惟恐以簡畧獲罪者。夫督撫品既不及部院
堂官。而司官品級。則又卑於道府。何以爲京官。則
傲慢不恭。而爲外吏。則謙抑過度。是不知爵位之

大清會典 卷七十一
尊卑。而但論權勢之輕重也。且漢官之妄自尊大者。大約由於科目出身之人。牽制於師生年家之陋習。是以將禮節相沿。漸至簡畧。豈可以國家之體統。而徇科目之私情耶。司官不敬堂官。相沿日久。視爲固然。從來不知禮儀。是以至朕御前。不能約束身心。每露草率不恭。自蹈失儀之叅處也。前代人主見臣下失禮之處。往往不肯明言者。蓋欲默識於中。以觀衆人存心敬肆之真實。此亦自有深意。若朕則不然。朕以誨人不倦爲心。故有一見聞。卽明白指示。欲其醒悟。悛改。不忍聽其暗昧終

身。大凡爲司官而不敬堂官者。其人必無上進之志。自畫之輩。目前雖爲司官。何知將來不至堂官之位也。輕人者人亦輕之。此往復必然之理。何迷而不察乎。滿漢司官之禮。自應畫一爲是。其如何酌定之處。著九卿會議具奏。遵

旨議定。各部院司官。路遇堂官。勒馬候過。在本衙門辦事。堂官高坐。司官做稿侍立說堂。若事件繁多。司官席地鋪褥序坐說堂。如在朝房辦事。堂官席地坐。司官俱屈一足回話。堂官前往來。俱趨走。滿漢司官。應令一體遵行。不得互異。如有

大清會典 卷一百一十五
或蹲或立。怠慢不恭者。堂官指名題參。交部議處。其漢科道。俱照滿科道禮節。畫一遵行。違者。亦令堂官參處。如仍有牽制師生年誼。姑息優容。不行參出者。將堂官一併交部議處。

官員儀從

凡京官儀從。崇德間定。固倫額駙。彩畫雲紅傘一柄。豹尾鎗二桿。旗六桿。紅杖二桿。其執事人役。青衣。紅帶。青氈帽。銀頂。上插紅翎。城內。止排傘杖。超品公。和碩公主額駙。金黃傘一柄。豹尾鎗二桿。旗六桿。城內。止用夜不收二名。後隨人

十名。民公。郡主額駙。金黃傘一柄。豹尾鎗一桿。旗六桿。城內。止用夜不收二名。後隨人八名。都統。精奇尼哈番。尚書。縣主額駙。金黃傘一柄。旗六桿。城內。止用夜不收二名。後隨人六名。內大臣。大學士。副都統。護軍統領。前鋒統領。侍郎。郡君額駙。旗六桿。城內。止用夜不收二名。後隨人四名。一等待衛。護衛。叅領。前鋒叅領。縣君額駙。學士。滿啓心郎。郎中。旗四桿。城內。止用後隨人四名。二等待衛。護衛。鄉君額駙。佐領。漢啓心郎。員外郎。旗二桿。城內。止用後隨人二名。三等待

大清會典 卷七十一 禮部十五
衛。護衛。護軍校。主事以下官員。許隨從一人。○
順治三年。定。公。掌扇貼方金一塊。一品官。掌扇
貼圓金四塊。二品官。掌扇貼圓金三塊。三品官。
掌扇貼圓金二塊。四品官。用灑金掌扇。五六七
品官。用素黑掌扇。八九品官。用白掌扇。○六年。
定。公以下。四品官以上。用大灑金扇一把。小灑
金扇一把。文官用甘蔗棍一對。武官用棕竹棍
一對。○八年。題准。民公。和碩公主額駙。杏黃傘
二柄。旗十桿。大小扇二把。貼方金四塊。侯。郡主
額駙。杏黃傘一柄。旗十桿。大小扇二把。貼方金

三塊。伯。杏黃傘一柄。旗十桿。大小扇二把。貼圓
金一塊。一品官。杏黃傘一柄。旗八桿。大小扇二
把。貼圓金四塊。二品官。杏黃傘一柄。旗六桿。大
小扇二把。貼圓金三塊。三品官。杏黃傘一柄。旗
六桿。大小扇二把。貼圓金二塊。四品官。旗四桿。
灑金大小扇二把。五品以下官。仍照三年例行。
以上傘旗。止許京城外用。京城內不許排列。凡
宗室覺羅各官。扇柄及棍。俱用紅油。凡各官進
皇城。止用小扇。不許用大扇及棍。○九年。題准。公

侯。伯。都統。尚書。內大臣。大學士。與漢文官三品

以上。滿漢公侯伯都統內大臣鎮國將軍精奇尼哈番輔國將軍護軍統領前鋒統領副都統阿思哈尼哈番大學士學士尚書左都御史侍郎副都御史鑾儀使通政使大理寺卿
以上。在
皇城外坐四人暗轎。願乘馬者聽。○又定。停滿漢

學士。副都御史。鑾儀使。通政使。大理寺卿。排執

事坐轎。○又定。公和碩公主額駙。旗十桿。杏黃傘二柄。金黃棍二對。執事人。青衣。綠帶。紅氈帽。銅頂。上插綠翎。京城內。止用傘一柄。侯伯。郡主。額駙。旗十桿。杏黃傘一柄。金黃棍二對。執事人。服色與公同。都統。鎮國將軍。內大臣。縣主。額駙。精奇尼哈番。滿漢大學士。尚書。左都御史等。旗八桿。杏黃傘一柄。金黃棍一對。執事人。青衣。綠帶。紅氈帽。銅頂。六年定。頂上插綠翎。輔國將軍。郡君。額駙。護軍統領。前鋒統領。副都統。阿思哈尼哈番。滿漢侍郎。學士。九卿。正卿。鑾儀使。副都御史。步軍

大清會典 卷七十一 禮部十五
總尉等。旗六桿。杏黃傘一柄。金黃棍一對。執事人服色與都統同。三品官。執事。與輔國將軍等同。四品官。旗四桿。京城內。一品官以上。用傘一柄。棍一對。二品官。棍一對。○三年。題准。阿思哈尼哈番。散秩大臣。在京城內。停排執事。京城外。許排。散秩大臣內有世襲精奇尼哈番者。照精奇尼哈番品級排執事。○四年。題准。四品以上官。乘馬。准用踢胸。凡在京文官。大九卿。詹事以上。武官。副都統。阿思哈尼哈番。散秩大臣以上。准令一人引馬前導。其餘各官。不許用引馬。○

五年。題准。各省駐防將軍。副都統。照在京都統副都統。排列執事。○七年。題准。凡加太師公。和碩公主額駙。金黃棍二對。改爲紅棍二對。棍頭用銅鑲。執事人。用綠布衣。綠帶。紅氊帽。銅頂。上插綠翎傘。扇。照前定例。民公及加級侯。郡主額駙。金黃棍二對。改爲紅棍二對。棍頭用銅鑲。執事人衣服。仍照舊例。○八年。題准。在京官。停用杏黃傘。金黃棍。民公以下官員。俱照順治八年例行。民公以下官員出京城。許用鞍籠閒馬前導。軍民人等不許用。違者治罪。○

凡外官儀從。康熙七年。題准。總督。杏黃傘二柄。
金黃棍一對。旗八桿。扇二把。兵拳一對。鴈翎刀
一對。飛虎旗一對。獸劍一對。桐棍一對。槩棍一
對。鎗二對。迴避牌一對。肅靜牌一對。巡撫。杏黃
傘二柄。金黃棍一對。旗八桿。扇二把。獸劍一對。
桐棍一對。槩棍一對。鎗一對。迴避牌一對。肅靜
牌一對。布政使。按察使。杏黃傘二柄。金黃棍一
對。旗六桿。扇二把。槩棍一對。迴避牌二對。肅靜
牌一對。各道。掌印都司。知府。杏黃傘一柄。旗四
桿。扇一把。桐棍一對。槩棍一對。迴避牌一對。肅

靜牌一對。同知。通判。知州。知縣。藍傘一柄。扇一
把。桐棍一對。槩棍一對。迴避牌一對。州同。州判。
縣丞。藍傘一柄。桐棍一對。典史。雜職。竹板一對。
提督。杏黃傘二柄。金黃棍一對。旗八桿。扇二把。
兵拳一對。鴈翎刀一對。飛虎旗一對。鎗二對。獸
劍一對。刑杖一對。迴避牌一對。肅靜牌一對。總
兵。杏黃傘二柄。金黃棍一對。旗八桿。扇二把。大
刀一口。獸劍一對。鎗一對。迴避牌一對。肅靜牌
一對。副將。杏黃傘二柄。金黃棍一對。旗六桿。扇
二把。迴避牌一對。肅靜牌一對。叅將。遊擊。都司。

車用銀頂。四品以下至民婦車俱用錫頂。違者治罪。○三十年定。三等公命婦車。綠蓋。青幃。青角。綠垂簷。內大臣都統。大學士。尚書。左都御史。精奇尼哈番。命婦車。青蓋。青幃。綠鑲蓋角。綠垂簷。閑散大臣。前鋒統領。護軍統領。步軍統領。副都統。侍郎。學士。副都御史。通政使司。通政使。大理寺卿。詹事府。詹事。阿思哈尼哈番。命婦車。青蓋。青幃。綠垂簷。以上車蓋幃垂簷俱用素緞。一等侍衛。叅領。步軍總尉。王府長史。太常寺。太僕寺。光祿寺等

正卿。國子監祭酒。通政使司左右通政。大理寺少卿。督捕衙門理事官。內閣侍讀學士。翰林院講讀學士。侍講。侍讀。詹事府少詹。庶子。諭德。洗馬。鴻臚寺正卿。郎中。給事中。監察御史。太常寺太僕寺光祿寺等少卿。阿達哈哈番。命婦車。青蓋。青幃。青垂簷。以上俱用銀頂。閑散宗室。二等待衛。佐領。貝勒。長史。欽天監。監正。內閣侍讀。國子監司業。鴻臚寺少卿。通政使司叅議。詹事府中允。員外郎。步軍副尉。拜他喇布勒哈番。命婦車。青蓋。藍幃。青垂簷。三等待衛。拖沙喇哈番。五品以下

官員命婦車。藍蓋。藍帷。青垂簷。以上俱用錫頂。

轅輪用青色。民公侯伯以下。有頂帶官員以上。命婦

車。各照伊夫現在品級。不准以加級用。

大清會典卷之七十一



